



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Monetarna kretanja u aprilu 2026. godine




Monetarna kretanja u aprilu 2026. godine

Ukupna novčana masa (M2) na kraju aprila 2026. godine iznosila je 43,83 milijarde KM i u odnosu na prethodni mjesec registrovano je povećanje novčane mase za 649,7 miliona KM (1,5%). Povećanje novčane mase (M2) rezultat je povećanja novca (M1) za 362,2 miliona KM (1,3%) i povećanja kvazi novca (QM) za 287,5 miliona KM (1,8%). U strukturi novca (M1) gotovina izvan banaka je povećana za 107,1 milion KM (1,4%), dok su prenosivi depoziti u domaćoj valuti veći za 255,1 milion KM (1,3%). Povećanje kvazi novca (QM) rezultat je rasta prenosivih depozita u stranoj valuti za 42,8 miliona KM (1,0%), ostalih depozita u domaćoj valuti za 115,1 milion KM (2,9%) i ostalih depozita u stranoj valuti za 129,5 miliona KM (1,6%).

Na godišnjem nivou, porast novčane mase (M2) u aprilu 2026. godine iznosio je 4,31 milijardu KM (10,9%). Rast je ostvaren kod gotovine izvan banaka za 568,1 milion KM (8,1%), kod prenosivih depozita u domaćoj valuti za 2,42 milijarde KM (14,0%), kod prenosivih depozita u stranoj valuti za 203,3 miliona KM (4,9%), kod ostalih depozita u domaćoj valuti za 473,7 miliona KM (13,3%) i kod ostalih depozita u stranoj valuti za 643,6 miliona KM (8,6%) u odnosu na isti period prethodne godine.

Monetarni agregati



Protustavka povećanju novčane mase (M2) na mjesečnom nivou u aprilu 2026. godine u iznosu od 649,7 miliona KM (1,5%) je povećanje neto strane aktive (NSA) za 491,3 miliona KM (2,2%) i neto domaće aktive (NDA) za 158,4 miliona KM (0,8%). Porast novčane mase (M2) na godišnjem nivou od 4,31 milijardu KM (10,9%) rezultat je porasta neto strane aktive (NSA) za 1,1 milijardu KM (5,0%) i neto domaće aktive (NDA) za 3,21 milijardu KM (18,3%).

Monetarni pregled

	Stanje u mil. KM IV 2026	Mjesečne promjene u mil. KM			Godišnje stope rasta u %		
		II 2026	III 2026	IV 2026	II 2026	III 2026	IV 2026
Aktiva							
1. Neto strana aktiva	23.088,6	-47,5	-454,7	491,3	5,2	4,0	5,0
1.1. Strana aktiva	25.256,3	-78,4	-243,1	443,7	5,0	4,9	5,5
1.2. Strana pasiva	-2.167,6	30,9	-211,6	47,6	3,0	15,0	11,1
2. Neto domaća aktiva	20.743,3	386,2	580,0	158,4	17,0	18,7	18,3
2.1. Potraživanja od centralne vlade (neto), kantona i opština	2.380,6	354,8	73,8	-383,2	75,9	69,5	52,5
2.2. Potraživanja od domaćih sektora	28.378,0	330,0	397,9	331,3	11,2	11,2	11,2
2.3. Ostale stavke	-10.015,3	-298,6	108,3	210,3	11,1	7,4	5,0
Pasiva							
1. Novčana masa (M2)	43.831,9	338,7	125,3	649,7	10,4	10,6	10,9
1.1. Novac (M1)	27.242,3	244,8	38,6	362,2	12,2	11,9	12,3
1.2. Kvazi novac (QM)	16.589,6	93,9	86,8	287,5	7,4	8,4	8,6

Kreditni

Ukupni krediti domaćim sektorima na kraju aprila 2026. godine iznosili su 29,99 milijardi KM i u odnosu na prethodni mjesec zabilježeno je povećanje kredita od 422,7 miliona KM (1,4%). Kreditni rast je registrovan kod svih domaćih sektora: stanovništva za 210,8 miliona KM (1,4%), nefinansijskih privatnih preduzeća za 93,2 miliona KM (0,8%), nefinansijskih javnih preduzeća za 39,8 miliona KM (5,2%), vladinih institucija za 59,8 miliona KM (3,5%) i kod ostalih domaćih sektora za 19 miliona KM (5,0%).

Godišnja stopa rasta ukupnih kredita u aprilu 2026. godine iznosila je 12,1%, nominalno 3,24 milijarde KM. Godišnji rast kredita registrovan je kod sektora stanovništva za 1,69 milijardi KM (12,7%), kod privatnih preduzeća za 958 miliona KM (8,7%), kod vladinih institucija za 371 milion KM (26,8%), kod nefinansijskih javnih preduzeća za 132 miliona KM (19,6%) i kod ostalih domaćih sektora za 84,6 miliona KM (27,1%).

Sektorska struktura kredita

	Stanje u mil. KM IV 2026	Mjesečne promjene u mil. KM			Godišnje stope promjene u %		
		II 2026	III 2026	IV 2026	II 2026	III 2026	IV 2026
Ukupno	29.994,7	458,3	353,2	422,7	12,1	11,7	12,1
Od toga:							
Stanovništvo	15.057,1	122,7	214,8	210,8	12,4	12,5	12,7
Privatna preduzeća	11.980,0	231,3	170,1	93,2	9,0	8,6	8,7
Vladine institucije	1.756,1	127,6	-21,7	59,8	28,4	23,1	26,8
Javna preduzeća	804,5	-13,3	-14,2	39,8	20,6	20,7	19,6
Kreditni ostalim domaćim sektorima	397,0	-10,0	4,2	19,0	20,4	22,1	27,1

Depoziti

Ukupni depoziti domaćih sektora na kraju aprila 2026. godine iznosili su 38,2 milijarde KM i u odnosu na prethodni mjesec depoziti su povećani za 651 milion KM (1,7%). Povećanje depozita na mjesečnom nivou registrovano je kod stanovništva za 288,5 miliona KM (1,4%), kod nefinansijskih javnih preduzeća za 61,8 miliona KM (3,1%), kod vladinih institucija za 184,3 miliona KM (3,9%) i kod ostalih domaćih sektora za 126,4 miliona KM (5,9%). U istom periodu depoziti su smanjeni kod privatnih preduzeća za 10 miliona KM (0,1%)

U strukturi depozita stanovništva najveći dio se odnosi na transakcijske račune 50,7%, dok su depoziti po viđenju 19,8%, a oročeni depoziti 29,5% ukupnih depozita stanovništva.

Godišnja stopa rasta ukupnih depozita u aprilu 2026. godine iznosila je 11,6%, što je u apsolutnom iznosu 3,98 milijardi KM. Godišnji rast depozita registrovan je kod sektora stanovništva za 2,35 milijardi KM (12,9%), u čijoj strukturi su transakcijski računi porasli za 16,5%, depoziti po viđenju za 7,7% i oročeni depoziti za 10,7%.

Rast depozita na godišnjem nivou zabilježen je i kod privatnih preduzeća za 688,7 miliona KM (8,8%), kod vladinih institucija za 630 miliona KM (14,8%), kod nefinansijskih javnih preduzeća za 77 miliona KM (3,9%) i kod ostalih domaćih sektora za 231 milion KM (11,4%).

Sektorska struktura depozita

	Stanje u mil. KM IV 2026	Mjesečne promjene u mil. KM			Godišnje stope promjene u %		
		II 2026	III 2026	IV 2026	II 2026	III 2026	IV 2026
Ukupno	38.198,6	165,3	73,7	651,0	10,8	11,1	11,6
Od toga:							
Stanovništvo	20.552,6	284,7	168,6	288,5	11,5	12,1	12,9
Privatna preduzeća	8.473,8	-131,0	-240,1	-10,0	11,1	11,8	8,8
Vladine institucije	4.890,6	-48,5	160,3	184,3	13,8	11,3	14,8
Javna preduzeća	2.028,9	23,7	6,6	61,8	0,7	3,1	3,9
Depoziti ostalih domaćih sektora	2.252,7	36,4	-21,6	126,4	7,0	6,4	11,4

Devizne rezerve

Devizne rezerve Centralne banke BiH na kraju aprila 2026. godine iznosile su 18,27 milijardi KM i na godišnjem nivou su povećane za 1,19 milijardi KM (6,9%).